



تاک 1

آزات

Knowledge Struggle Victory



بلوچ اسٹوڈنٹس آرگنائزیشن آزاد

آزات

سگار پبلی کیشن

تاک: 1

سرھال: انقلابی جھد کار

چاپ: فروری، 2023

پال: media@bso-azad.com

تند جاہ: bsoazad.site

ڈس: عطا شاد ڈگری کالج تربت

انقلابی جہد کار

انقلاب تینٹ انت کسے وانقلابی جہد کار آک امرء بندغ مریرہ...؟

انقلاب اسہ سیاسی اصطلاح کسے، واندنواسہ طاغورء گڑا کسے کہ اواسہ چاگڑد کسے ٹی کل آن زیات بندغ آتا پام ء تینا کنڈا ہتنگ یک۔ بندغ آتا تیوہ پام ء تینا کنڈا آہتنگ نابناسی سوب ہمو چاگڑداٹ انقلاب ناخواست آک ء۔ انقلاب ناگرج ہمو جاگہ غاودی مریک ہراٹے تیوہ بست و بندبے کار مرے واوناتہٹی بدلی ہتنگ ناچو گنجائشت مف، گڑا ہمو جاگہ غانیٹ انقلابی جہد کار آک مونابریرہ و تیوہ بست و بندبے بدل کنگ ناخواست کیرہ۔ اندا تیوہ غابست و بندبے مٹ کنگ ناخواست مخلوق ء انقلابی جہد ناکنڈا آہتیک واند اوڑاٹ دا جہد ہر بندغ ناچہد جوڑ مریک۔ انقلابی جہد آتا ناخواست آک چنگ افس۔ ہر ابندغ کہ دنو جہد کسے کن بش مریک گڑا اودے تینا تیوہ جہان ء ندر کروئی تمک۔ اند اوڑاٹ ناچہد آہتیک مخلوق نازند، مال و مڈی، ارا، جاگہ بچ اس سلپک۔ وخت اس کہ اسہ چاگڑد اسے ٹی برجاہ بست و بندبے بدل کنگ ناہیت مریک گڑا اوڑے ہمو برجاہ بست و بندنا بندغاک انقلابی جہد نامون ء تو ننگ نا کوششت کیرہ و دا بست و بندنا رکھ اکن تینا مچا زور ء خلیہ۔ اندن کہ جہان اٹ اخس کہ انقلابی جہد کار آک مسنویا ریر اوقتیٹ داگڑا خننگ کہ جہد کار آک انقلابی جہد اکن تینا تیوہ زند ء ندر کرینو وکننگ ء۔

ارٹھی سوچ دادے کہ اسہ انقلابی جہد کار اس جوڑ منگ ناگرج آک انت ء۔۔۔؟ اسہ انقلابی کسے ٹی ہراوڑنا لائیک مریرہ۔۔۔؟

ہر بندغ تون داسوچ آتا جتا ء ورندی مریرہ ولے اسہ ہیت اس درشان ء ہر ادے ہر اسہ بندغ سرپد مریک کہ انقلاب اسہ

پورو ء جہان اسے، اسہ پورو ء چاگڑد اسے۔ انقلاب ناعرہ ء کہ ہر بندغ خلے ہر اسٹ بش مرے وانقلابی جہد کار منگ ناد عوی ء کے ولے

انقلابی بیرہ ہمو بند خاک منگ کیرہ ہر اسہ پوروء بست و بند کسے روتہ آن کشنگ ناطاغت تخر و او نا جاگہ غا اسہ پوسکنو بست و بند اس جوڑ کنگ نالانخی اوقتیٹ مرے۔ اسہ ناکارہ بست و بند کسے پوسکن بست و بند اسیٹ مٹ کنگ کن تینا تیوہ جہان ۽ ندر کنگ کیر، تینا زند و زند نازاتی اُست خواہی تے ندر کیر۔ اسہ لس بند کسے آن جتاء انقلابی ڈسپلن ناپا بند مرے و او ناتہٹی انقلابی جوزہ مرے۔

دا اسہ بھلو سر حال کسے اندن کہ دانازی آپین ہم ہزار آگڑاک نوشتہ کننگانو ولے ننا نوشت کنگ نامسخت ننا چھپ و راست، چاگڑد نا حالیت، ناراجی ججز و ننا سیاسی چاگڑد ناتہٹی انقلاب و انقلابی مسخت نازی آہیت و گپ نابناء کنگ ۽ ننا بناسی مسخت دادے کہ ننا بر جاء سیاسی چاگڑد ناتہٹی انقلاب ناپن آا خس کہ ردی انقلابی رویہ نازی آمنگ ۽ اوقازی آہیت و گپ مرے۔ نن اندا پوہ مرین کہ داردانگ انقلابی رویہ غاک سیاسی کینسر ناڈول مرغن مریرہ، اگہ دافنازی آہیت و گپ نابناء کنگ متو، گڑا برو کا وخت اٹ ننا تیوہ غا سیاسی چاگڑد انقلاب ناپن آردانگ انقلابی رویہ آتا گواچی مریک۔

انقلابی جہد کار آتے اگہ ارس گڑا اوقتیٹ ہم بھاز آنزوریک مریرہ ولے دانوشت اٹ نن تینا منہ بناسی خاص آگڑا تازی آہیت و گپ کینہ ون اندا پوہ مرینہ کہ دامنہ گڑا نازی آہیت و گپ کنگ دا وخت الی ۽۔

1- کمٹمنٹ:

کمٹمنٹ یعنی تینا کاریم یا مسخت تون ایماندار منگ، اُست ننا ب تون، مرگ و زند اسہ کاریم و پروگرام اسیتون سیدھا سلنگ۔ اندنکہ بندغ تینا لس زنداٹ ہم اسہ اسٹر کچر اس جوڑ کیک و او دے پور و کنگ ناپا بند منگ او ننا بناسی خواست مریک۔ بیدس کمٹمنٹ آن بندغ تینکن پوریا اس ہم کنگ کیک۔ انقلاب و انقلابی جہد بھاز بھلو گڑا ۽۔ انقلابی جہد اٹ مدام اندا خنگ مریک کہ کمٹمنٹ نازی آچٹ بھاز ہیت مریک، کمٹمنٹ نازی آبھاز لٹریچر و تران آک ساڑی اریر۔ دافنے آن ہر کس داہیت تون امنائیک کہ

بیدس کمٹمنٹ آن کس اس ہم انقلابی جہد کارمنگ کپک۔ وختس کہ اسہ بندغ اس سوچ و فکر آن گڈ، تینا مرضی و منشاء اٹ اسہ انقلابی
 جُز اسیٹی بشخ بلیک، گڑا ہمودے آودے داہیت ۽ ہم سرپد مروئی ۽ کہ داسا کنازند و مرگ اندا جنز تون تفوک ۽، جنز اٹ ہر وڑنا
 خواست و کاریم ارے اوفتے کنے پورو کروئی ۽، وایمانداری تون کناس اٹ انت کہ کاریم اس مریک بیست و چار ساعت کنے دا جنز
 اکن کروئی ۽، مد رینگ، پدی ہننگ، اُست پنگ، و پدی چک خلنگ ناکسہ خاک داسا کنازند آ مفس، داسا کسر ۽ ہلکنٹ ہنوئی ۽۔
 اندادے پارہ انقلابی کمٹمنٹ نا جہد کار۔

انقلابی کمٹمنٹ نا جہد کار آتازند نا حالیت آتیاں اندا چاننگ کہ دا بندغاک تینا زندنا غٹ است خواہی تے ہشانو و جہد اتون
 اوار ۽۔ دا بندغ آک نہ تینکن تینا ذاتی آزند کن سکون، آسرائی و جارات نا اومیت تخرہ و نئے کہ پین ذاتی سواد و جوفہ اس دافتون
 ارے۔ دافتازند و مرگ ہڑتوماک جہد و انقلاب ۽۔ داتینا سیاسی خیال آن پوہ مروک اسل سیدھا ۽ بندغ مریرہ۔ دا بندغ آک ہننگ و
 سوچ خلنگ آن گڈ تینا سوچ و فکر اتون دا جاگہ غاسر مسنو کہ آگہ انقلابی جہد اس کروئی ۽ گڑا ایمانداری اٹ جہد کروئی ۽ جہد نا خاطر تینا
 تیوہ زند ۽ ندر کروئی ۽۔

ارٹھی کنڈ آنن دا ہم خنہ کہ انقلابی جہد اٹ بھاز آ بندغاک اوار ۽ کمٹمنٹ ناہیت ۽ ہم کیرہ ولے کمٹمنٹ نا پین آبیرہ دود پورو
 کنگ ۽۔ دا بندغاک جہد اٹ ہم اوار ۽، انقلاب ناہیت ۽ ہم کیرہ ولے دافتا کاریم و ذمہ واری تیاں اندا چاننگ کہ دا بیرہ وخت
 گدر یفنگ ۽۔ دانا سوب انت ۽؟ منگ کیک دانا جتا ۽ دروشم ۽ ون سد درسد دانا گواچن تے پوہ مفن ولے منہ دروشم مونا بیرہ، دُنکہ
 بھاز آ بندغاک جہد اٹ تدینی بنیات آوار تہرہ، بھاز آک راج دوستی نا جوزہ نا بنیات آوار مریرہ ولے اندن کہ انقلابی جنز نا کسر سخت
 و بھاز کبیں ۽۔ بھلو کاریم، قربانی، سگ و حوصلہ خوانک و دا بندغاک ہر اکہ بیدس پوہ منگ آن اوار تمانو ولے دافتے کاریم کنگ ناو

قربانی تنگ ناحوصلہ اف، انداسوب آن انقلابی جنز وخت اس کہ سخت انگا حالیت آتا گواچی مریک داسا گڑا دابند غاک (ہرا کہ کمٹڈ افس) ساراٹ بریرہ کہ انت اس کین؟ داڑے داہیت نامسخت دا اف کہ دابند غ آک گندہ ء مریرہ، دابند غ آتے خن جو انوبند غ ء، وڈ غار وراج اکن مہر و دوستی ہم تخرہ، چنکو چنکو قربانی تنگ ہم خوارہ ولے انقلابی جہد و انقلابی کمٹمنٹ دا فتاوس آن مر ء گڑا لے۔

ولے ننا کڈ آن داخنہ کہ بھاز آ بند غاک ہرا کہ جہد اٹ او ار تمانو ولے او قنیت کمٹمنٹ ناحوصلہ اف۔ اسہ کڈ آ جہد ناکین انگا حالیت آتیاں ایپار منگ کپسہ۔ وار ٹی کڈ آ بلوچی میار اس ہم تخرہ و اندا میار ناسوب آن پدی منگ ہم کپسہ انتے کہ بلوچ شغان نا خلیس آن دابند غاک جہد اٹ خننگرہ۔ انداسوب آن او فک دا جہد آن پابند کننگ کن وڑوڑ نکانیون پیٹیرہ (تاکہ دوشہ کہے ولٹ ہم پنپ) تینا ذمہ واری تیا سوبر خننگسہ، چنکا چنکا گڑا تے اُست اٹ کیرہ، چنکا چنکا جیرہ آتا پداٹ ار ٹمیکو بند غ ء اندن باور کر فنگ نا کوشت کیرہ کہ جُہد و گل خراب ء یاد افتا پالیسی تاسوب آن ننا اُست پنوک ء۔ دابند غاک ساندہ انداہیت نا چاری مریرہ کہ جہد اٹ ہرا جاگہ غا اسٹ نا چنکو نزوری اس مرے تاکہ نن اودے جواز اس جوڑ کین و تینے جہد آن پابند کین۔ گواچن دادے کہ دن انگا بند غاک اسہ وخت آراہلی اٹ سوار منگ خوارہ۔ اسہ کڈ آ بلوچی ننگ انا جہد تون او ار منگ خوارہ او ار ٹی نیمہ غا ذاتی است خواہی و آسرات ء زندا اس ہم خوارہ۔ انداسوب آن دن انگا بند غاک انقلابی جہد ناپن آمیرہ دود پور وکننگ ء۔ داوڑ کہ ہرا بند غاک جہد تون کمٹڈ افس، اگہ دابند غ آتیاں او فتا سستی تاسوب آن سر سون کننگ مس یا او فتنہ بلنگ و توننگ مس گڑا دابند غاک پیش مریرہ و جہد ننا برخلاف سلرہ۔

ولے انقلابی کمٹمنٹ تنوک آ جہد کار آک دود پوری کپسہ، او تینا زانت و سر پدی تون جہد اٹ او ار تمیرہ او فتا خڑک آزند بیرہ جہد ناپن مریک۔ او اسہ وخت اٹ ارا لانچ اٹ سوار مفسہ او فتا خڑک آساندہ اسہ گڑا اس مریک کہ دا جہد کنا جہد ء، حالیت انخس

سخت، افس بے وڑ مرے ای داکسراٹ تینا کڑدے ایسری ایٹوٹ۔ تینٹ جھد نامزل آسر مر یو یا مفرولے اودے (جھد) ءاسہ جاگہ سے آسر کروئی ء۔ اوقا اُست اُسُل پینیک، اوقا ملی نٹ جھد ننا بارواٹ اُسُل پین وڑ آخیال آتا گواچی مفک، اوا سُل سیدھا و پور و ء جھد کار مریرہ۔

2- ڈسپلن:

سیاسی یا انقلابی جُز کئی چا گڑدنا لس مخلوق و انقلابی جھد کار آتا نیام اٹ زمین و آسمان نافر خ مریک۔ لس بند خ آتینٹ انقلاب نا خاطر ان جوزہ مریک۔ جُز ء ہر وڑ ننا کمک کیرہ، جُز ء تینا سر پد مریرہ و تینا وس نا کچ قربانی متنگ کن ہم ساڑی مریرہ، ولے لس مخلوق انقلابی ڈسپلن ناپا بند متنگ کپک، انتے کہ انقلاب ناہتنگ کن انقلابی آادارہ تا متنگ الی ء۔ اند اوڑ انقلابی گل انقلابی ڈسپلن آن بیدس پور و مفک۔ انقلابی جھد کار و لس مخلوق نیام اٹ اسہ بنیاتی فرخ اند اوڑ سپلن ء۔ اُس ناسیالی جوزہ آتون ء، جوزہ خاک وخت نہ وخت اس نزور ہم متنگ کیرہ و اوڑ تون اوار سیاسی طاغت (پالیٹیکل پاور) ہم لس نا جوزہ تے کم وزیات کنگ کن بھلو کڑداس ایسری ایٹک۔ اند اوڑ انقلابی جُز آتا سر سہب یا بے سہب متنگ ناڈو ہدار مفک ولے انقلابی جھد کار نا کڑد جتا ء، انقلابی جھد کار تیوہ سار، عقل، شعور و چا سندی اٹ جھد تون اوار مریک۔ انقلابی جھد کار جُز ناسر سہبی ولے سہبی ہڑتو مادرو شم تا ذمہ واری ء تینے آارقک و انقلابی جھد کار ناخیال سیاسی طاغت تون مٹ مفک، اگہ اند نو وخت اس کہ ہر اتم جھد چٹ نزور مریک، ڈیہہ نا تیوہ حالیت آک جھد انا حق اٹ مفسہ، جھد تینا گڈ کیو ساہ آسر مریک، ولے انقلابی جھد کار تینا تیوہ غاوس اٹ مونا سلک و جُز ء کبین انکا ساعت آتیاں کشیک و مون مُستی برجا ءتج، دافتا بناسی سوب دادے کہ انقلابی جھد کار انقلابی ڈسپلن ناپا بند ء، انقلابی ڈسپلن اٹ جھد کار تینا ذاتی طب و اُست خواہی تے اشتیماعی فیصلہ تیکن ندر یک۔ انتے کہ اگہ انقلابی ڈسپلن نا جاگہ غا ذاتی طب و اُست خواہی تے خواست سر پد متنگا گڑا انقلابی

گل و جنرل بچپسہ۔ انقلابی جہد کار آک اندا سوب آن انقلابی جہد کار پاننگرہ انتے کہ اوفا خرٹک آ ادارہ، ادارہ نا نظریہ نامسخت کل آن بڑے۔ آگہ ادارہ (یا گل) اٹ اندو فیصلہ مریر ہر اکہ ذاتی حساب آ اوفا قطب نا بر خلاف مریر ولے گل تینا دلیل و گپ و تران اٹ او فیصلہ تے بلکنے گڑ او فیصلہ تے پور و کنگ اوفا ڈسپلن نا بشخ لے۔ آگہ انقلابی جہد اٹ اسہ سنگت اس انقلابی ادارہ نا بشخ لے ولے انقلابی ڈسپلن نا پابند افک، گڑ او نا بے مہاری نا زیم گل آ تمک۔ ہمو سنگت مدام تینا ذاتی خواہش آتے خواست پاننگ و آگہ او نا طب مس کاریم کیک آگہ طب مف کاریم کپک۔ تینا ر فوکا ذمہ واری تیا سوبری نا در شانی کپننگ، تیوہ گل اٹ اندو نا حول اس جوڑ کنگ، اختلاف و تنقید نا پں آگل نا سیالی تنخوک آجاگہ غانہ ہیئت کنگ، سیالی تنخوک آجاگہ غان پیشن ہیئت کنگ، سنگت آتا نیام اٹ بے معنے و بے حوصلہ ودی کنگ۔ تینا غیر انقلابی رویہ تون اندو بڑزی لے نا در شانی کنگ کہ تینا نزوری تا جاگہ غاگل ء ڈوہد ار کنگ کہ جنر و گل بے سہب ء، اونار اہشونک لائخ افس و داڑے ہجو انقلاب اس بنگ کپک پین ہم اندو بے کاٹم ء ہیئت ودی کنگ۔ داڑے اسہ ہیئت اس ذہن اٹ تننگ مرے کہ داہیئت آتا مسخت اسل دا اف کہ انقلابی گل اٹ سیاسی گپ تران مف یا شرہ و نقد کاری تون مون تننگ مف، سیاسی گپ تران یا شرہ و نقد کاری بھاز المی ء گڑا ء ولے ہر ابند غاک ڈسپلن نا پابند مفسہ گڑ او گل ء تینا ذاتی طب و است خواہی اٹ موناد ننگ خوارہ، آگہ اوفا خواہش آک منگتوس گڑ او تینا کاریم تیٹ نزوری ہتیرہ۔ تینا ذمہ واری تے پور و کپسہ۔ ہر ادارہ تون کہ تفوک ء ہمو سیالی تنخوک آتلہ غا ہیئت کپسہ، مدام ادارہ غان پیشن ہیئت کیرہ و اوفا شرہ و نقد کاری نامسخت ادارہ نا کاریم تیٹ جوانی ہنگ نامفک بلکن ادارہ نا تہٹی ناٹھی ودی کنگ نامریک، سنگت آتا نیام اٹ ناٹھی ودی کنگ کن دنورویہ مونا ہتیرہ ہر ارویہ غاک گل و جنر ہڑ توماتے ایسری نا کنڈ آدیرہ۔

اند اخطر ان انقلابی جہد کارمنگ کن گل اناڈ سپلن ناپابند منگ الی۔ اگہ ہر اہند غ چانگ کہ ای انقلابی ڈ سپلن ناپابند منگ کپرہ گڑ او تینٹ انقلابی گل نانش جوڑ مف، و انقلابی گل نازمہ واری ہم اند اے کہ اسہ جہد کار اس اخص کہ مخلص و ایماندار مرے ولے اگہ او گل ناڈ سپلن ناپابند منگ کپک گڑ او دے ہجو وڑ اسٹ گل نانش جوڑ کروئی اف۔

3. جیرت:

انقلابی جہد کار سر پندار، چا سندار و سو برانگا بند غاک مریرہ۔ اند اخطر ان او فقا ہر گام سیاسی جیرت تون تفوک مریک۔

بیدے سیاسی جیرت آن انقلابی جہد کار تینا ذات اٹ پور و مفک۔ ہندن کہ انقلابی جہد کار ائی جارات و پرا من ماحول اسے ناچ وڑ نا او میت تونگ مفک۔ انقلابی جہد کن وخت و حالت آک سانده سخت مریرہ۔ اند سخت انگا وخت آتیت جہد بر جاتخنگ ناسوب آن فیصلہ ار فنگ نا گرج مریک اگہ اسہ جہد کار اس سخت انگا وخت آتیت فیصلہ ار فنگ کپک و سانده شش و پنج (ہندن کہ فلان کاریم کیویا کپر، دن مریک یا مفک؟) نا گواچی مریک گڑ اچا سکہ اوئی سیاسی جیرت اف۔ اگہ اسہ ہم جہد کار ناملی ٹی سانده نسخان ار فنگ نا خلیس مس و خلیس ناسوب او فیصلہ ار فنگ کتو گڑ او جہد کار انقلابی جنز انا نانش جوڑ منگ کپک۔ داہیت راست لے کہ انقلابی جنز آتے کن وخت آک مدام سخت مریرہ و او دے تاوان نا گجائشت زیات مریک۔ ولے داہمو سیاسی جیرت ء کہ ہر انقلابی جہد کار ء کمین آساعت آتیت بھلو فیصلہ ار فنگ نالانچی بشنگ، دن چا کہ دن انگا کمین آساعت آتیت بھلو فیصلہ ار فک و تاوان نا گجائشت ء کم کنگ نا جہد کیک۔

انقلابی جہد کار ائی وختس کہ سیاسی ء جیرت مریک اگہ تیوہ حالت او نا بر خلاف مرے ولے او تینا ار فوک آ فیصلہ غاسلیک۔ داڑے داہیت نازہن اٹ تخنگ الی ء کہ فیصلہ غاسلینگ نامتلب ضد و آناف بلکن سیاسی سوچ و زانت ء، وختس کہ اورا ہند و دلیل تون فیصلہ ء

ار فینے گڑا او فیصلہ غاہر حالت اٹ سلوئی تمک۔ اگہ ایلو پارہ غا وخت آک بھاز سخت مریر خلّیس، لالچ، جنس گیشتر مرے ولے اسہ انقلابی جہد کار اس تینا ر فوکا فیصلہ غا سلیک۔

انقلابی جہد ناتیوہ کاریمک راہبند آتانیات آمریرہ۔ بیدس راہبند آن انقلابی جہد کار انقلابی اس مفک۔ درست و نادرست، جوان و گندہ، چنک بھلن انقلابی راہبند کل اکن اسہ وڈ بریر مریک۔ انقلابی جہد اٹ اگہ گڑا اس ردء تو بس ردء۔ اندا خاطر ان اسہ انقلابی جہد کار اسیٹی سیاسی جیرت نامنگ المی۔ سیاسی جیرت نامنگ ناسہ چیدہ اس دادے کہ وختس اگہ جہد کار اس خنک کہ اوڑ تون اوار، سنگت اس، یار اہشون اس ردء۔ اوناردی آن گل و جنز تاوان کُنگ ء ولے او جہد کار گل انادیوان اٹ تینا سنگت ء سوج کپک، ہیئت و گپ کپک نہ مون پہ مون سنگت تون اختلاف تورک، ولے پدی یار ٹی سنگت نارہی آہمو سنگت نانزوری تازی آہیئت کیک۔ دارویہ ناتاوان دادے کہ ہر سنگت کہ ردء اودے اوڑ تون تفوک اختلاف یا تنقید آک سرمنگ افس، گڑا او تینا زوری تے اُسل پوہ مفک، و اگہ او تینا زوری تے پوہ مفک گڑا الم زوریک ایسر مفسہ۔ ایلو کنڈ آدا عمل ناتاوان دادے کہ اسہ سنگت نابارواٹ ایلو سنگت آتارہی آہیئت کنگ آن اسہ سنگت نا ذہن ایلو سنگت کن خراب مریک۔ سنگت آتانیام اٹ است بڈی ودی مریک، تیوہ گل اٹ اند اوڑا نامنافقی ء ماحول اس جوڑ مریک۔ تیوہ ادارہ ناجیرت ایسر مریک۔ اگہ اسہ جہد کار اس دیوان اٹ اختلاف توننگ کپک یا ہمو سنگت تون مون پہ مون اختلاف آشرہ کپک گڑا چاسکہ او سنگت نا تنقید و اختلاف گل و سنگت آتاجوانی کہ افس۔ منگ کیک ار ٹی سنگت کن بد اعتمادی ودی کنگ کن مریر۔ داوڑا نا وخت اٹ سنگت آہیٹ تینے آن تینٹ اُست بڈی ودی مریک و تیوہ گل انا ماحول رد انقلابی رویہ غاتا یا منافقی ناگو اچی مریک۔ انقلابی جہد کار کن الم ء کہ اگہ اوناسنگت ردء گڑا سیاسی جیرت تون تینا سنگت ء مون پہ مون یا گل انادیوان اٹ سوج کے اختلاف تجہ و نغد کاری کے۔ مون پہ مون سوج کنگ یا گل انادیوان اٹ سوج کنگ آن سنگت آتانیام اٹ

انقلابی سیالی ترند مریک، سنگت آک اسٹ ایلو نازی آباور کیرہ۔ انقلابی جہد کار اسہ ہیئت اس مدام تینا ذہن اٹ تخہ ہر فنک، اختلاف تخنگ یا تنقید کنگ نامسخت تینا سنگت ۽ شیف خلنگ کن مفک بلکن اوناجوانی کن مریک۔ غٹ انقلابی جہد کار آتیکن المی ۽ کہ اگہ انقلابی جنز اتون اور ۽ گڑ اتینا تہٹی سیاسی جیرت ودی کیر، اگہ سیاسی جیرت ودی کنگ کپسہ گڑ اباندے کہ سیاسی و انقلابی جنز اتان لشیخ جوڑ مفس۔

4۔ مر اونگ:

انقلابی جہد اسٹ تو بھاز سخت مریک وار ٹی ہیئت دادے کہ وخت نار دات بھاز مرغن مریک و وخت خلیک، اند اوڑ انقلابی جہد کار ناتہٹی ندر منگ ناہچو کچ اس مفک، اندن وخت و عہد ناہم ہیچ ۽ کچ اس مفک، ہندا خاطر ان پارہ کہ انقلابی جہد کار آتے مر اوئی تمک، انقلابی مجلس اڈمنگ نا خاطر ان داہم المی ۽ کہ او فک تینا گڈ کیو تار نخ ۽ خوانر۔ اینونا وخت ۽ ہر وڑاٹ سرپد مریر و بروکا دے تارد اٹ مجلس آتے اڈایتز۔ اینو او فتا ذہن اٹ مرے کہ بروکا دے تیٹ انت منگ کیک۔ اگہ بروکا وخت نا مجلس آتارد اٹ ہیچ سوچ خلیسہ ودا پارہ کہ بروکا وخت اٹ انتس مس ہمو وخت ہر ویتہ گڑاچا سکہ او جہد ۽ بروکو وخت اف، نار ہی آداوڑ نا بھاز سوچ ارے ہند نکہ "پگہ انتس مس ہمو وخت ہر ویتہ یا کہ پگہ نا اللہ مالک ۽ کاریمک جوان مرور، و خیر مرو، داغٹ خیال و فکر آک غیر انقلابی ۽ ولے اگہ انقلابی جہد کار مر اوک آتیاں مرے گڑا بروکا وخت اٹ ہر وڑ نا شیف بڑزی تے سرپد مرسا جنز اتا حق نئی کاریم اٹ ہتنگ مریک۔ مر ہر وکا جہد کار ہر وڑ نا سختی و سوری تون مون ہتنگ کن مُست آن سلوک مریک۔ او دا ہیئت ۽ سرپد مریک کہ وخت و حالیت آک دے پہ دے آن سخت مرور و ہندا سخت انگ ساعت آتیت او مُستی کن ہم تیار مرور۔

اگہ جہد کار آک مہر وک آتیاں متور گڑ احوالیت آتا بدل منگ تون او اور او فقا خیال و نظریہ غاک ہم بدل مریرہ یاد دشمن نا جوڑ کرو کا ماحول آن زیبی مریرہ۔ دنگہ دشمن بھاز وخت سیاسی طاغت نار د اٹ جو اننگا ماحول اٹ ہند نو بدلی در شان کر فک کہ اونا بر خلاف جنگ کرو کا جہد کار ہم زیبی مریرہ۔ ہر اجد کار آک گڑ اتازی آمر ہر وک ء متور، گڑ او فقا خڑک دامنگ کیک کہ دشمن نا جوڑ کرو کا ماحول یا جہد اٹ برو کا سختیک او فتنے نسجان ایتر۔ داڑ تون او اور او بھاز انگا بے خواست و چنکا چنکا ویل آتا پلو یڑاٹ بریرہ، او فقا خڑک ہر اسہ چنکا چنکا ہیبت معنہ تحک، ہر چنکا ہیبت و گپ آتے بھلو ویل اس جوڑ کیرہ و او فقا ہوش و سار جہد نا مسخت آن مہر مسا کیک۔ وختس کہ او فقا ہوش و سار جہد نا مسخت آن مہر مسا کیک گڑ او فقا چنکا جیڑہ و جنجال آتا مونا بنگ نا جہا تینے جہد آن پدی کشرہ۔

انقلابی جہد کار آتیکن ایلو خواست آتا وڑ "مہر اونگ" ہم بھاز الی ء، انقلابی تیکن مدام مر اونگ تون او اور باندے تینے چنکا چنکا یا تین پہ تینی و ایلو ہر وڑ نا جنجال آتیاں پد تور۔ ہر اتم کہ او فک مہر وک اتیاں مریرہ گڑ او فقا خڑک آچنکا چنکا ہیبت و گپ آک اسل ہم جیڑہ جوڑ مفسہ بلکن او فقا خڑک آد اچنکا ویل آک بچ خواست تحپسہ۔ انقلابی بندغ آتیکن بیرہ انقلاب و اونا مسخت خواست ختم، او فقا سگ و حوصلہ نا کچ بھاز بھلن مریرہ۔ او فک اسہ وخت ہم سٹوک (ری ایکشتری) مفسہ، بلکن ہر جیڑہ حوصلہ و چا سنداری تون مون ایترہ۔ او فک تینا ہگام سنگت آتا نزوری تے ویل و جنجال جوڑ کپسہ بلکن چالاخی و چا سنداری تون او اور چچی اٹ او فقا نزوری تے کشنگ نا جہد کیرہ۔ ہندن کہ او فک سر پد مریرہ کہ تینا سنگت آتا چنکا چنکا نزوری تے ارفنگ و بھلو ویل جوڑ کنگ آن تیوہ سنگت آتا پام جہد آن مہر مریرہ و اند اوڑ انا چنکا چنکا ویل آتون اختہ مریرہ و لے ہر اتم کہ غٹ مہر وک اتیاں مریرہ گڑ او فقا تیوہ خیال آتا جہد و اونا مسخت مریرہ، او اسل چنکا و بھلا ویل آتا بناس آجہد آن اُست کبیں و بے حوصلہ مفسہ، انقلابی جہد کار آک اندا خاطر ان انقلابی ء کہ او

ہر وڑنا جوان و گندہ، سختی و سوری کل ۽ تینا سرپد مریرہ۔ ہر وڑنا وخت سٹ اسہ جوزه اسیتون جہد کیرہ۔ مُر اُر وکا جہد کار آک ہج وڑنا کبین آوخت آئیٹ است کبین و بیزار مفسہ۔ ہمو جہد کار آک کہ چنکا چنکا ویل آتے است اٹ جاگہ ایترہ، زو بیزار مریرہ گڑا ہج شک اف کہ او انقلابی پانگ مفسہ، اود مدر پنگو ک ۽ جہد کار ۽ جہد آن نرنگ خواڑہ۔

5۔ نرگسیت:

انقلابی جہد کار تینا ذات، تینا جہان و تینا جند ناطب و اُست خواہی تیان مُدام بڑا رُک۔ او فتاخرک آ انقلاب کن تینا ذات آن پیش تینے اجتماعیت تون شاعنگ نا۔ اگہ انقلابی جہد اٹ ہر جہد کار تینے، تینا چانداری، فیصلہ غاتے، تینا طب و اُست خواہی تے تینا سگت آ تیان بڑنا گڑا چاسکہ او جہد کار نرگسیت نا گواچی ۽۔ نرگسیت نا گواچی مروک آ جہد کار آک انقلابی جہد اٹ رد انقلابی رویہ نا خواجہ مریرہ۔ نرگسیت نا گواچی مروک جہد کار دا اف کہ تینا تینا سگت آ تیار شان کیک کہ ای اسہ چانداری لُسے اُٹ، او تینا ذات ۽ ہم دا باور کرفک کہ ای تینا تیوہ سگت آ تیان زیات چانداری اُٹ۔ او ناخرک آ گڑا لُسے نا پوہ منگ یا موکونادینہ پوہ منگ بھلو عیب لُسے ولے گواچن آہیت دادے کہ ولے چانگ عیب اس اف و جوانگا و سرپد انگا بندغ نا چانگ ۽ اسہ عیب اس کس سرپد منگ، ولے نرگسیت نا گواچی مروک بندغ آک دادے عیب اس تکرہ۔ دا بیماری نا گواچی مروک جہد کار وار اس تینا کڑد وار اس تینا ہیبت آ تیان اندر شان کنگ نا کوشت کیک کہ ای تینا غٹ سگت آ تیان زیات لائخ اُٹ اسل جوان اُٹ۔ او فتنے آن زیات گڑا تے سرپد مریرہ، اندا سوب آن دافک و سگت آک کنے اندا کچ انا بھلو عزت و شرف ہتیرہ۔ اگہ سیاسی دیوان و مجلس اٹ نرگسیت نا گواچی مروک بندغ نا ہیبت رد کنگہ یا او نامونا سگت نا ہیبت زیات سوگو مرے، گڑا نرگسیت نا گواچی مروک اندا ہیبت آن بھاز بد دیک، نہ بیرہ بد دیک بلکن او دادے تینا ذات آ اسہ جھلو اس تلک، دا ڈول انا بندغ آ تا ذہن اسل دا ہیبت آ باور کپک کہ دیوان و مجلس آ تا تہی کنے آن زیات کس

سرپند اس مرے یاکنے آن زیات ایلو ناہیبت اٹ اثر مرے، اند اوڑ داطب نابندغ آک سیاسی گپ تران ء توفک ناوڑ کاریم اٹ ہتیرہ
وتینا خیال ء موم نابندغ آ زور اٹ تخنگ خوارہ، وافتا خرک آد اگڑا ہج معنہ تخچک کہ وافتا خیال اخس رد ء واخس اوٹی دروغ ارے،
وافتا مسخت دیوان و مجلس اٹ تینا دانشوری ء نشان بتنگ ناء کہ ای اخس چاواہ اخس چا سندر اٹ۔

اندنکہ انقلابی جہد کار آک تینا ذات وین آن بھاز بڑ سوچیرہ۔ وافتا خرک آ وافتا ذات وین معنہ تخچک و لے نرگسیت نا
گواچی مروک جہد کار انقلابی جہد اٹ ہم کریڈٹ ارفنگ ناکوشست کیک۔ کریڈٹ ارفنگ، یعنی ہر کاریم ء تینا ذات اتون تفنگ یا تینا
ذات ناپن آکنگ کہ داکاریم ء ای کریڈٹ، داکاریم کناسوب آن منگ ء، داک کناسنگت آکو، داکنا ہیل تروک آسنگت آکو، داجوان
انگ کاریم ء ای پارینٹ کہ کیوتہ، داسنگت ک کناسوب آن داڑے بسنو داک تیوہ جہد ء کریڈٹ ناجنگ اس سرپد مریرہ واندن پار کہ دا
ساندہ کریڈٹ نا خاطر ان کریڈٹ ہلنگ کن جہد کنگ ء۔ اگہ ہرا جاگہ غادابند غاتے کریڈٹ ر سینگتو گڑ ادابند غاک تینا بے سہب تکرہ
اوزوت اسہ عمل نارد عمل اٹ گڑ اس کیرہ، واند اڈول اٹ اوری ایکشتری ہم مریرہ۔

دا بیماری ناپین اسہ گندی اس دادے کہ دُن انگابند غاک جہد اٹ بندغ جوڑ کنگ نا جاگہ غایتنگن فالوورز جوڑ کنگ نا جہد
کیرہ۔ دایتنا اُست اٹ تینا سنگت آتے تینا فالوور سرپد مریرہ۔ تینا اند اسوچ انا بنیات آدافتا مدام اندا جہد وکوشست مریک کہ نن امر
زیات آن زیات تینا سنگت آتے تینا کنڈ آاتین و او فتنے تینا فالوور جوڑ کین۔ دایتنا چند انا سنگت آتے تینا ذات ناکنڈ آاتنگ کن تینے ٹی
ہموجوانی تے نشان بتنگ ناکوشست کیرہ کہ ہرا گواچین اٹ اوقتیٹ افس۔ زور اٹ تینے چا سندر، نوشکار، شاعر، وجوان تیوہ تے نشان
ہتیرہ۔ دانرگسیت نا اندا اخس گواچی مریرہ کہ تینا ذات و ذاتی خواست ء، ہجو وڑ ایٹ شیف خلنگ کن الیپسہ، داڑکن اگہ او فتنے دروغ
تروٹی تما، یا پین گڑ اسے نابکار مس، تینا پین نا خاطر ان اوہر وڑ اٹ سلرہ، انتے کہ نرگسیت نا گواچی مروک بندغ مدام تینا ذات اتون

تفوک مریک اندا خاطر ان اوڑکن داہیت چٹ بھازخواست تمگ کہ جہداٹ کنہندا انت ء؟ اودا اسل خیال کپک کہ انقلابی جہداٹ کنافرض و ذمہ واریک انت ء وکنے بیدس پن وچاننگ آن تینے قربان کروئی ء۔ اونا تیوہ وس وواک انداہیت نازی آمریک کہ دا جہداٹ کنہندا انت ء، اخس بندغ وادارہ کنادو ننا کیرغ آن ء اخس بندغ کنے فالو کیک، اخس بندغ کنے بنک، اوتینا وس و طاغت ء گل و تحریک ء سوگو کنگ نا جاگہ غایتنا پوزیشن ء سوگو کنگ آخروج کیک۔ اندن کہ اوتینا سنگت و بندغ آتا مونا دادر شان کیک کہ کنہا ہر عمل جنرنا سوگوی کن ء، ولے اونا کڑدو عمل اونا گواچن دروشم ء پاش کیک کہ اونا دا عمل اخس تحریک ناسوگوی کن ء او اخس اونا جنڈانا ذات نا خاطر آن ء۔ نرگسیت نا بھلاویل دادے کہ دانا گواچن مروک جہداٹ وختس ہم داہیت ء مارپک کہ ای دا بیماری نا گواچن اٹ، دا بیماری انقلابی جہداٹ کینسر آن زیات خطرناک ء۔

6۔ جوزہ ومارشت آک:

انقلابی جہداٹ مچا عقل تون کنگ مریک، مچا عقل یعنی انقلابی جہداٹ آتے جوزہ ومارشت نا بناس آجہداٹ کروئی اف، یعنی مدام عقل تون کاریم کروئی تمک۔ داہیت ہم پک ء کہ بیدس جوزہ ومارشت آن بندغ پورواف، بندغ ناہر فیصلہ اٹ اونا جوزہ ومارشت آتا کڑداس ارے، اگہ جوزہ ومارشت آک ایسر مریر گڑا بندغ بیرہ اسہ مشین کسے ناوڑاٹ مریک، ولے سیاسی و انقلابی جہداٹ فیصلہ سازی مدام عقل نا بناس آکننگ، اگہ فیصلہ سازی عقل اٹ کنگ متوگڑاچا سکہ او جہداٹ چا کڑدی گواچن (گراؤنڈریا لٹیر) تا جاگہ غابندغ نا طب نامڈئی ء۔ انقلابی جہداٹ آتیکن دا الہی ء کہ جوزہ ومارشت آتامنہ بناسی گڑا تیان تینار کھ ء کیر۔

فیصلہ سازی عقل تون کنگ، یعنی کہ انقلابی جہداٹ انقلاب نا پڑا تینا جوزہ ومارشت آتا بنیات آتحریک نا فیصلہ غاتے کپ، تینا ڈیہہ ننا گواچن آدروشم تے و تحریک ناخواست آتے مون آتے و فیصلہ کے۔ سیاست ٹی فیصلہ کنگ یا فیصلہ ہنگ نا اختیار مدام

لیڈرشپ نادوٹی مریک وراہشون ہمو بند غاک مریرہ ہر ایتنا تہٹی جوزہ ومارشت تخیرہ۔ واسہ بندغ (لیڈرشپ) نادوٹی اسہ لکھ بندغ نا زند نفا فیصلہ غاک مریرہ۔ اندا سوب آن پارہ کہ سیاست ٹی مدا م فیصلہ سازی عقل تون کنگ مرے، اونا بنیاتی سوب دادے کہ اسہ بندغ یادے بندغ تینا ذاتی جوزہ ومارشت آتا بنیات آاسہ لکھ یا کہ اسہ کروڑ بندغ نفا فیصلہ ۽ کپک۔ اوتینا ڈیہہ انا گواچن، وخت نا گرج، دیل و سوب تون فیصلہ کے۔ اگہ اونا ڈیہہ انا گواچن یا وخت و حالیت آتا گرج راہشون نا ذاتی جوزہ ومارشت آتا بر خلاف ۽ ولے راہشون ہمو وخت راہشون مریک اودازار ۽ کنیک و تینا ذاتی جوزہ ومارشت آتے اسہ کنڈ آکیک و عقل نا بنیات آ فیصلہ ار فک۔

اندا اوڑ انقلابی جہد کار ہروڑ انا حالیت و وخت آئیٹ تینا جوزہ ومارشت آتے اسہ پارہ غاتخے و تینا سار و پام ۽ بر جاہ تھے۔ داہیت ناسخت دادے کہ بندغ جتا حالیت آئیٹ تینا جوزہ تے ہمو وڈ در شان کے، گڑ اس حالیت اند نو مریرہ کہ بندغ اندا خس خاٹی بریک کہ اوتینا جند ۽ تونگ کپک، و کنٹرول آن پیشن مریک، دن انگا حالیت ٹی بندغ اند نو ہم کاریم کیک کہ اوتیوہ غا جہد ۽ نسجان ایتک داڑان بیدس گڑ اس حالیت آئیٹ سخت گل و بال مریک، دن انگا وخت آ بندغ تینا ایب کیب نا حالیت آتے ہپک و فیصلہ ار فک داہم بھلو نسجان بہتیرہ و پین اسہ حالیت اسیٹی بندغ تیوہ خلیس نا گواچی مریک یا کہ زور مریک، او حالیت ٹی بندغ ہیچ وڈ نفا فیصلہ ار فنگ کپک۔ دا مسسٹی حالیت ٹی بندغ تینا ہوش و سار ۽ بر جاہ تھنگ کپک، وختس کہ بندغ تینا ہوش و سار ۽ تونگ کتا و ہچبر عقل نا بنیات آ فیصلہ ار فنگ کپک۔

وختس کہ اسہ سیاسی جہد کار اس تینا جوزہ ومارشت آتے ہیچ تونگ کپک یا اونا جوزہ ومارشت آک اونا سیاسی زند ۽ زیمی کیرہ گڑ اوڑے ردی یا زوری نا گنجائنت زیات مریک و اند اوڑاٹ دافنا نفسیاتی زیم ہم دے پہ دے زیات مریک۔ نفسیاتی زیم تے زیات منگ تون اوڑا پارہ کہ نانا نفسیاتی جیرہ ارے و تینا سنگت آتینا ہمدردی ہلنگ نا کوشت کیرہ۔ سنگت آتینا ہمدردی ہلنگ نا خاطر ان تینا

چنکا چنکا جیڑہ آتے ہم بھاز بھلن نشان ۴ تیرہ۔ دنگہ کنے تیغ بنگ، ڈپریشن ناگو اچی اٹ، ای نا جوڑ اٹ و پین ہم بھاز جیڑہ و جنجال ارے۔

داہیت آتا مسخت دا اف کہ جنگ اٹ نفسیاتی جیڑہ اف یا نا جوڑی مفک، سد در سد جنگ اٹ بھاز نفسیاتی نا جوڑی مر یک ولے داہیت ہم پک ء کہ اینو پگہ نفسیاتی نا جوڑی اسے شوق (فیشن) اس جوڑ مسنے۔ زیات یا کم نن پانگ کپنہ ولے اسے بھلو کچ اسیٹ بند غاک تینا سگت آتیاں ہمدردی ہلنگ ناسوب آن اند اوڑ باور کر فرہ کہ نن بھاز نفسیاتی نا جوڑی ارے۔ داہمدردی ہلنگ نانسیات کسے ہر انقلابی جہد کار کسے آن خلاص کیک تا۔ انقلابی جہد کار تیوہ بندغ مر یک، اوفا عقل و سار ہر وخت بر جاہ مر یک۔ انقلابی جہد کار آک بیدس پین تیاننگ آن تینا تیوہ غاند ء قربان کیرہ۔ اوہروڑ انا اختلاف و نغد کاری ء سگرہ ولے وختس کہ او فک اندا نا جوڑی ناعادت ناگو اچی مریرہ و تینا چنکا چنکا ویل آتے تینا سگت آتا مون آدر شان کیرہ و دا نا خواست ء کیرہ کہ سگت آتیاں نن ہمدردی رسینگہ و ننا زوری و ردی تیا کس بیچ ہیبت کپ۔ اندن ہمو جہد کار نا انقلابی بوداک ایسر مریرہ و وخت نانسگتی آن خلاص منگ کیرہ۔ انقلابی جہد کار تینا عقل ء اندا خس کاریم تیا کہ اودے ہجو گڑ اس پر غب یا زور کپ ولے اگہ راستی نا و نفسیاتی نا جوڑی ناگو اچی ء گڑا و نا چند انا اخلاقی فرض جوڑ مر یک کہ او جہد اٹ چنکو بھلو بیچ وڑ نا ذمہ واری ارفپ، اندن اسے لس جہد کار اسے نا وڑ جہد تون او ار مرے انتے کہ بندغ کہ نفسیاتی نا جوڑی تاگو اچی مر یک یورپ اٹ دن انگا بند غاتے ڈرا سیوری نامو کل ہم رسینگیک، اوفا بارواٹ اندا پاننگ کہ دا فک پورو ء بندغ افس، وختس کہ او فک پورو ء بندغ افس او فک باندے تیوہ غا تحریک یا گل ء تینا دوٹی کپس ہر اڑ تون کروڑ آ بندغ آتا او میت تفوک ء۔

ایسری ہیبت:

داہیت و گپ آتیاں الم نن چنکو کچ اس سر پد مسن کہ انقلاب امر ء گڑ اس ء واسہ لس بندغ کسے ہر اوڑ اٹ تینے انقلابی اس جوڑ کروئی ء، ہمو خواست آک انت ء ہر افنے فالو کروئی ء۔ اندنکہ انقلاب نا چند نا بارواٹ نن ہیبت کرین و آخر اٹ نن ہمو شیال آتے

تینا ڈیہہ (بلوچستان) ناخواست آر فنگ کینہ، کہ پاکستان بلوچ ڈغارہ قوضہ کرینے و تینا اسہ بست و بند اس جوڑ کرینے، ولے نن (بلوچ) اونا زور اکی نابست و بندہ اسل ایسر کنگ کن و تینا اسہ پوسکنو بست و بند اسسکن تحریکی رداٹ پین دروشم اسٹ جہد کنگ ان۔ ارزان انگا لوز آتیٹ اندا کہ پاکستانی نظام ایسر کنگ و پوسکنو نظام اس ہنگ ناپن انقلاب۔ مستی نن انقلابی جہد کار نالانخی تازی آہیت و گپ کرین، داتیوہ آگڑا تا متلب دادے کہ اسہ لس بندغ اس وختس کہ اسہ انقلابی تحریک یا انقلابی گل انانخ جوڑ مریک، تحریک نامون مستی بروکا جنجال و جیڑہ غاک اونا شعور اٹ مریر۔ وختس کہ تحریک نانش جوڑ مس گڑا تحریک تون ایماندار مرے، تینا ذات و ذاتی اُست خواہی تے گیرام کنگ کے، تینا تیوہ ذات و تحریک و اوناخواست آتیکن ایٹے۔

داہیت و گپ آتون اوار دن سرپد مریرے کہ داسر حال تینے ٹی پور و اف، اونا سوب دادے کہ انقلاب اسہ اند نو بھلو سر حال کسے اونا زوی اخس بھاز نوشتہ کنگے، ہموخس کم و وار ٹی دا کہ ہر جہد و گل آتا جتا جتا گواچن۔ نناد اسر حال و نوشتہ کنگ نامسخت اندن کہ زوی آنوشتہ اس کہ تینا سیاسی مجلس تیٹ انقلاب و انقلابی جہد کار آتا سر حال آہیت و گپ بناء کنگ ناء۔ نن اند اسرپد مرینہ کہ تینا چند انا زوری یار د انقلابی رویہ آتازی آنا چند انا اسہ نغد کاری شرہ اس بناء کنگ مرے، اگہ نن تینٹ تینا چند انا ردا انقلابی رویہ آتیا شرہ کپن گڑا چاسکہ نن ایسری ناکنڈ آہنگ ان۔ داسر حال انداہیت و گپ نانش کسے و دانوشتہ تیوہ سرپد مرین گڑا داسر حال آ تقیدی شرہ ناء و کنگ کینہ۔

”آزات“ کتابک (کتابچہ) بلوچ اسٹوڈنٹس آرگنائزیشن آزاد ناکنڈان بلوچ نوڈربر آتا آشوبی
ھیلکاری نایشنل سے۔ آزاد جتا آ وخت اٹی جتا انگا سرہال آتازی آچاپ وشینک کنگ اک۔ دا کتاب نا
مول و مراد بلوچ نوڈربر اتانیا م اٹی آشوبی سرہال آتازی آگپ و تران (ڈسکشن) اسے نابندات ءیک۔

”آزات“ کتابک نا اولی سرہال ”آشوبی جہد کار“ ء۔ دا اولی کتابک نا تہی دادے کہ آشوبی جہد کار متنگ
کن ضرورت آک انت او؟ آشوبی جہد کار ء ار اوڈنٹ مروہی ء؟ ہندا فقا باروٹ نوشتہ کنگ آنے۔ ہندن
کہ دا اسے بھلو سرہال اسے، دا سرہال نا ذی آپین ہزار آ نوشتہ آک مسونو۔ ولے ننا نوشتہ نا مول و مراد نا
چپ و چاگڑ نا جیڑہ آتازی آ غور و فکر کنگ نا ء، ننا راجی جتڑ ء، ننا سیاسی چاگڑ نا تہی آشوبی نظریہ نا ذی آ
گپ و تران نابندات ء کنگ ء۔